

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Glorwürdige Wanderschaft

Andreas <a Sancta Theresia>

München, 1661

[urn:nbn:de:bsz:31-129710](https://nbn-resolving.org/urn:nbn:de:bsz:31-129710)

penen vnd wider
 v helff vns got das
 auter nem himmel
 mit hat das anpuel.

Ca^m vnden^m

Aber tagleich p^{ro}
 tab vns hevt

Vor habt ir weh
 ze von dem leip
 vnd auch von dem
 v das ist vo der p^u
 ylen **O**u ist vo dem
 etwas zu fügen

dem heyligen me^{is}
 en menschen spe^{is}
 hunger alles n^{is}
 unden **D**as wir das
 n p^ullen vnd mit fle
 n p^ullen das lerent
 en da er spricht **I**
 vort vnd habt die
 v die zucht **D**am
 v^{er} naturleichen ist
 v das ist ein zaichen
 deichen gep^unis vnd
 zeit wol in lenleichen
 gep^uschickte ist we^{is}
 v nicht hat das v^{er}
 em vnuemugen vnd
 v^{er}schickte ist
 v^{er} got em p^{er} v^{er}

lenleichen hunger der d^{er} lenen
 fle^{is}sch ist er magt auch des
 pauchs nicht acht nehahn da
 das essen des himlyshen wort
 p^uecht wan das wort ist em
 die die sel p^ut die di vnuemugen
 vaist oder suchp^uchtig macht so
 wie von der p^{er} v^{er} heyligen we^{is}
 v^{er} die p^{er} v^{er} der ewigen eed en
 pfahen **H**er alle **v**oem mo das
 ist das em menschen we^{is}er ze
 horen oder ze lesen **D**am
 vnd v^{er}sent das mit d^{er} d^{er}
 em zaichen des gep^unis sem
 n^{is} v^{er} oder **v**oem gep^u
 zu dem gep^u **D**am p^u
Leremias **I**ch hat v^{er} vort p^u
 ven vnd heb p^u v^{er} v^{er} v^{er}
 vort ist mir worden em f^u
 vnd em v^{er} in meinem
Aber die den die vort nicht v^{er}
 p^uechten das ist en zaichen das
 v^{er} mit an vol ist p^u v^{er}
 aut vnd das v^{er} mit v^{er}
Von den p^u v^{er} p^u v^{er}
 sel ist alle p^{er} v^{er} **D**ie
 ler ist d^{er} vnd v^{er} v^{er}
 d^{er} **V**on der sprache v^{er}
 des p^u v^{er} mund v^{er}
 sel der da v^{er} macht v^{er}
 v^{er} d^{er} ist der **D**er d^{er} ist
 so p^uess so sem der menschen

k.

107 A 75033 RH

Glorwürdige Wanderschafft

Weyland

Seß Volgeböhrnen Herrn / Herrn

Wolfgangi Guilielmi

Lösch

Freyherrn von vnd zu Hilgertshausen / auff Hirschenhausen
vnd Wolfersdorff / zc. der Churfürstl. Durchltz in Bayern / zc. gewesen
Cammerers / Rath / Pflegers vnd Castners zu Crayburg / auch
Gemz Lobl. Landschafft Mitverordneten Commissarij
vnd Residenten Bunderlands / zc.

Welche

Beÿ dessen dreytäglichen Lebrndächtigen Besingnuß

In einer Reichs Lobpredig vor der Hochadelichen Freund-
schafft vnd Versammlung der Bunderhonen auff seiner Hofmarch
Hilgertshausen in der Pfarrkirchen den 10. Decobris /
Anno 1661. eingeführt hat

Der

Ehrtwürdige P. F. Andreas von St. Theresia barfüßige
Carmeliter / vnd Ordinari Prediger zu München /

Permissu Superiorum.

Getruckt zu München / bey Lucas Straub.



VVOLFgangVs GVILIELMVs
LÖsCh

PIVs BARO

ANNIS SEPTVAGINTA ET VNO

ITER ABSOLVIT HILARITER

ET

REQVIESCIT IN PACE.



Nobi

P

Ein C

c



Es

ihre

vnd

auff

ten

müß

durch

ich

De

ye

in

nen

en

D

W

er



Nobilis abiit in Regionem longinquam accipere sibi Regnum.

Ein Edler zohe in ein ferz Land / daß er ein Reich einnemme. Luc. 19. vers. 12.

S haben dann auch die Hochadeliche vnd Reiche nit zuverbleiben auff ihren eignen Gütern? So müssen sie auch als Frembde verziehen vnd in die Wanderschaft stehen? vnd andere Wohnung suchen? So sehe ich wol/ diejenige/ so durch ihres vralten Adlichen Geschlechts ritterlichen Thaten/ hochruhmwürdige Aempter/ vnd eigenthumbliche Verdienst ihrer Tugend / von den Römischen Kaysern mit dem Herrenstandt vnd grossen Freyheiten begnadet seyn worden / werden nit befreyet auff ihrer Raiff von der Murr/ so sie dem Tode/ vnd der Natur bezahlen müssen? So höre ich wol/ alle/ auch die edlste vnd älteste Ritter müssen in das Ringl der Ewigkeit rennen? vnd durch sovil Gefahr/ durch sovil Feind/ durch sovil Waffen/ durch sovil Mühe vnd Arbeit/ durch so weiten Weeg ein anders Reich einnehmen? Ja/ ich sehe es/ ich höre es/ ich finde es nit anderst/ vnd also ist es schon vorklangt auff Befehl der Göttlichen Mayestät auff allen Cantzen mit der Trompeten des H. Geists von Paulo außgeruffen worden: Dum sumus 2. Cor. 5. in corpore, peregrinamur, so lang wir in dem Gebäw des Leibs wohnen/ seynd wir in der Wanderschaft begriffen. Warumben? Non Hebr. 13. enim habemus hic manentem civitatem, sed futuram inquirimus. Dann wir seynd da nur als Gäst in einer Herberg / in einem Wirthshaus/ an einem frembden Orth/ wo nichts vnser eigen/ sonder nur gelehret ist/ darumb darffe keiner etwas mit sich hinweg tragen/

2
gen/ sander wie er ein ist gezogen nackent/ muß er wider ganz bloß darvon. Wohin? wohin er will. Dahero weil vnser Weyland Wolgebörne Herr/ Herr Wolf Wilhelm Lösch Freyherz von vnd zu Hilgertshausen/ıc. ein glückselige Statt/ ein ewiges Reich gewolt/ hat er täglich vmb dasselbe gebetten/ biß er erhört ist worden/ täglich gesucht/ biß ers gefunden/ täglich bestritten/ biß ers erobert/ da er mit Herrs
Matth. 6. vnd Mund zu dem Himmel geschryen: Adveniat Regnum tuum.
H e r r z u k o m m e m i r d e i n R e i c h : w i e a n d e r s t / a l s v e r m i t t e l s t d e s T o d t s ? w e l c h e r e n d l i c h n a c h s e i n e n v o r b o t t e n d e r h a l b j ä h r i g e n K r a n c k h e i t e n a l l h e r o n a c h e r H i l g e r t s h a u s e n a n k o m m e t / i n d a s L ö s c h i s c h e S t a m m e n h a u s e i n k e h r e t / g e h t d o r t i n d a s Z i m m e r / s e h e t f ü r d a s B e t t / r e i s s e t d e n F ü r h a n g / e r s i h e t d e n K r a n c k e n / r u c k e t d e n K o c h e r / e r g r e i f f e t e i n P f e i l / l e g e t i h n a u f f / z i e h e t d i e S e n n e n / s p a n n e t d e n B o g e n / n i m m e r d a s A b s e h e n / v n d a l s e i n g e w i s s e r S c h ü s z z i h l e t / s c h i e s s e t / t r i f f e t . A c h ! t r i f f e t d e n i n K r a n c k h e i t v n d S c h m e r z e n a l l e r s c w ä c h s t e n L ö s c h e n / d a s e r i s t a u f g e l o s e n / v n d s e i n g l o r w ü r d i g e W a n d e r s c h a f f e g l ü c k l i c h v o l l e n d e t h a t . H o c h a d e l i c h e t r a u r k l a g e n d e Z u h ö r e r ; E b e n d i s e r S c h ü s z v n n d g e s c h o s s e n e / d e r T o d t v n n d g e r ö d t e (w a n n i h r m i r w o l t g n e d i g e r l a u b e / s o l l e a u c h m e i n S c h e i b e n s e y n / w o h i n i c h z i h l e m i t m e i n e r P r e d i g / i n d e m i c h e n c h a l s d e s s e n N a c h k ö m m l i n g s e i n e N a i f s t r a ß i n d a s s e e l i g e R e i c h z a i g e : s c h l a g a l s o a n / v n d l a s s e m e i n e W o r t l o s g e h e n . S e b t a c h r u n g w i e i c h w e r d e t r e f f e n .

Ein unverschambter Gast ist der Todt/ein wilder Tropf/ein grober Gsell/der allenthalben hinein laufft/ohn daß er berueffen wirdt/ohn daß er sich laste ansagen/ohn daß er an die Thür klopfet/ vnd zwar bey Kayser vnd König/ bey Herzog vnd Fürsten/ bey Grafen vnd Herren/ bey Geistlichen vnd Weltlichen/ bey Reichen vnd Armen/ bey Burger vnd Bauern/ bey Mann vnd Weiber/ bey Kleinen vnnnd Grossen/ bey Jungen vnnnd Alten/ bey Frommen vnd Bösen/ mit einem Wort bey allen/ vnd allenthalben.

Dahero hat ein Egyptischer Mahler mit seinem spitzfindigen Pemsel den Todt zwar kunstreich entworfen/ aber vngestaltet vnd häßlich: Nemlich alt/ nackend/ blind/ ohne Ohren/ ohne Nasen/ ohne Leib/ mit einer Cron auff dem Haupte/ mit den Füßglen auff dem Ruggen/ mit Bogen vnd Pfeil gewaffnet/ auch mit einer Sense in seiner Hand.

Alt, weil er gleich hat anfangen sein Ambr verrichten nach der
Sünd

Sünd vnser vnglückseeltigen Vatters Adam/ vnnnd nach verharret.
Zwar wann der Mensch jung ist/ so lauffet er/ hupset/ dancket/ springet/
rennet/ vnnnd reitet; wann er aber eraltet/ laint er sich an einen
Strecken/ lasset sich tragen/ vnd gehet langsam: Ganz das widerspül
macher der Todt / welcher nachdem er schon etlich tausent Jahr alt
ist / setz er sich zu Pferd vnnnd will einen Reiter abgeben / wie der H.
Joannes vns mit verwunderung zäiget: Ecce equus pallidus, & qui Apoc. 8.
sedebat super eum, nomen illi mors, Siehe ein salb Pferd / vnnnd
der darauff saß/ des Namen hieß der Todt. Ja freylich ist der Todt in
seinem Alter ein Ritter worden/ so mit verhengten Züglen in völliger
Carriera auff den Kopf rennet mit der Lanzen/ mit der Pistolen schief-
set/ vnd mit dem Degen hinweg nimbt. Vor disem da der Todt noch
jung ist gewesen / gieng er zu Fuß vnnnd zwar so langsam / daß es
das ansehen hette / als zehlte er alle Schritt/ liesse die Leüt fortlauffen
biß in 6. 7. 8. oder 900. Jahr vnnnd noch mehr; jetzt laßt er den Men-
schen kaum 60. oder 70. Jahr erzeichen: ja je älter der Todt wirdt/
je weniger laßt er die Menschen alt werden: jetzt wird er immerzu fri-
scher in seinem Alter/ er ruhet niemal / er wacher allzeit / ist niemal
müßig/ vnd erdappet bald/ wen er will haben.

Nackend; Weil er sich nirgend schämet / vor keinem scheißet/
vnd alle auch nackend von dannen hinweg nimbt/ wie sie auch bloß auff
die Welt kommen seynd.

Blind; Weil er überal drein hauet/ sticht/ schießet / schläget/
wirffet/ fället/ vnd erwirget auff allerley weiß; zu welcher grausamen
Mörderey ihme die ganze Welt dienet für ein Zeughaus / alle Ge-
schöpf für seine Waffen.

Ohne Ohren; Weil er Ohrlöf/ vnnnd sich niemalen lasset erbiet-
ten/ nit bewögen/ nit überreden/ erhörer keinen: laße gleichwol die be-
trübte Müttern/ die verwaiste Kinder/ die vertribte Frawen schreyen
vnd wainen/ ohne daß er einziges Mitleyden erzeiget / sonder nur ih-
rer lachet.

Ohne Nasen; Weil er allen Indianischen Balsam / vnnnd das
Arabische Rauchwerch sampt dem köstlichen Pisam verachtet; ja auch
kein Gestanck ihn abhallet/ weil er nichts riechet/ nichts schmecket.

Ohne Haut/ vnnnd ohne Fleisch: Weil er den Menschen hinweg
nimbt die freundliche Gestalt von dem holdseeltigen Angesicht / den
Crystallinen glanz/ von den scharpfsichtigen Augen/ die Rosenblätter
von

von den mit weissen Blüten vermengten Wangen/ die Corallene Farb
von den bewögllichen Leffen / die goldene Haar von dem gezierten
Haupt/ den köstlichen Schmuck von dem Alebastern Hals / die gul-
dene Ring von den Helffenbeinen Hand / die zarte vnd prächtige
Klaider von dem haiglen Leib. Was darffs vil? Er zieher den Men-
schen auß bis auff die Haut/ ja auß der Haut/ laßt ihme mit harter
Mühe auß allen seinen Reichthumben ein altes Trum Leinwat / das
man die Zwespenblawe Leffen/ die verfinsterte eingefallene Augen/ das
ensfärbte Angesicht/ vnd den Todeblaichen stinckenden Leib zudeck.

Hebr. 9.

Wie der Eron wird er geziert auff dem Haupt: Weil er in der ganzen
Welt herrschet/ vnd ihme alle müssen Gehorsamb laissen/ auch die aller-
mächtigste Weltfürsten/ altermassen er den Bevelch auß der geheimen
Canzley der Göttlichen Mayestät erhalten hat/ vnd auff all seine Fah-
nen geschriben vmbtragt: Statutum est hominibus semel mori: Denn
Menschen ist gesetzt einmal zusterben/ vnd zwar ohne alles entschuldigen:
Sintemal da kein einzige Macht bestehet; dann wo ist nun
Xerxes, wo Alexander, wo Octavianus? Man verschonet da keinen
Hochfürstlichen Adl/ noch Titel: dann wo ist Carolus, wo Maximilianus,
wo Ferdinandus? Kein Freiheit können da erhalten die Reichthumb:
dann wo ist der Romanische Crassus, wo ist der Phrygische Midas,
wo ist der Eidische Crælus? Da hilfft kein Stärke: dann wo ist
Samson, wo Gedeon, wo Goliath? Es gilt da kein Weisheit: dann
wo ist Salomon, wo Solon, wo Aristoteles? Man erhörer da kein
Wolredenheit: dann wo ist Demosthenes, wo Marcus Tullius, wo
ist Hortensius? Man frage da nichts nach der Natürlichen Schönheit:
dann wo ist die wolgestalte Rebecca, wo die holdseelige Ester,
die schöne Judith, die schöne Tamar, die schöne Rachel? Ja auch
die Heyligkeit selbst kan den Todt nit bereden/ oder ihme den Paff ver-
legen; dann wo ist Samuel, wo David, wo Eliseus? Kurz abzu-
brechen; statutum est hominibus semel mori. Die Wanderschaft
mues halt endlich vollendet werden/ vnd allein vermittelst des Todts/
deme keiner / keiner entgehn kan. Zwar haben vil Arzney/ Gelehrte
vnder schidliche Bücher geschriben für allerley Kranckheiten/ dem Tode
aber zuentgehen/ hat sich bishero noch keiner vnderstehn dörfen/ etwas
zuverordnen / weil einem jeden handgreifflich bekandt ist / daß kein
Kraut für den Todt gewachsen seye: Contra vim mortis, non est
medicamen in hortis:

Serry

ferners wird der Tode von dem Wahler auff dem Ruggen ge-
 stügel: weil er enfertigt allenthalben sich einfindt; dann kein Maur
 ist ihm so dick/ kein Porren so versperet/ kein Wache so groß/ kein
 Quardi so starck/ kein Berg so hoch/ kein Thal so tieff/ kein Wyden
 so lang/ kein Meer so weit/ kein Weeg so rauch/ kein Wald so dick/
 kein Fehr so haiff/ kein Hitz so groß/ kein Wetter so wild/ kein Lufft
 so kalt/ kein Schnee so häufig/ kein Eyß so hál daß er nit allenthal-
 ben durchhelet/ durchringet.

Gewaffner mit dem Bogen vnd Pfeil; weil er einen gewissen
 Schützen abgibt/in die weite vnd in die náhe/welcher nit lang zihlet
 vnd rufft geschwind / besser als der Gothische Soldat Tocho der
 seinem Kind ohne verlezung einen Apfel vom Kopf geschossen.

Mit der Sensen in der Hand: weil er drein schneidet/wie es
 kompt:dañ Omnis caro foenum,& omnis gloria ejus quasi flos agri:
 Alles Fleisch ist Gras/ vnd all sein Herlichkeit ist wie ein Feldblum:
 vnder den Feldblumen ist eine schöner vnd höher als die ander/nichs
 destominder werden sie alle auff gleiche weiff vmbgemáht/vnd in dem
 sie über die scharpfschneidende Sensen springen/fallen sie durch ein-
 ander/vnd werden also vermischet/daß man nit wol wird eines von
 dem andern vnderscheiden. Also auch vnder den Menschen/in de-
 me sie leben/ ist freylich ein grosser vnderschaide: einer ist schöner/
 oder stärker/ oder gröffer/ oder edler/ oder reicher/ oder gelehrter als
 der ander / doch wann der bairne Mader kommet/ schneidet vnd
 legt er mit seiner allzeit gewekten Sensen alles zuboden/ vnd wirffes
 durch einander/Sceptra lignibus æquat. Sceptra vnd Cron/Par-
 risanen vnd Picken/Beil-vnd RegimentGráb / Spiszgärten vnd
 Gaiff/ die Schreibfeder vnd Grabschauffl/ Rechen vnd Gabl/Blu-
 men vnd Unkraut/Mors lilia sentibus æquat. Dannenhero ligen
 die Todtenbeiner auff dem Freyhof also vnder einander vermischet/
 daß man keinen von dem andern erkennet/ ob er Herz oder Kneche
 gewesen/ reich oder arm/ ic.

ll. 40.

Wann man genueg den Schach gepilt hat / so nimbe man die
 Figuren zusammen/Bawren/ Thurn/ Läufer/ König vnd Königin
 vnd wirffes samenlich durch einander/wie es nun kombt/ es gít eben
 gleich. Also nach vnserm Leben/ wann das Gespil auß ist / müssen
 wir alle von dem Tisck diser Welt/ von dem Preispil vnserer Gü-
 ter/ auß dem Haus in die Schachtl/ in die Sack / in das Grab
 vnder

vnder die Erden/ einer sowol als der ander, dann gleich wie in dem Schachspil alle Figuren auß einem Holz getreyelt/ nit anderst auch alle Menschen von dem Allmächtigen Künstler seynd auß einer Materie geschmizelt. Deßgleichen alle Karten seynd auß einem Papier/ vnd das Papier auß gleichen Lumpen gemacht/ nur das eine andere verzeichnuß/andere Farben/andere Namen haben/lehre das Kartenspil vmb/ so ist eine als wie die ander: Also auch sagt der H. Gregorius Nazianzenus: Omnes ex eodem pulvere sumus, ut ut alius

Orat. 18.

alio larvâ honestiore tegatur. Wir alle seynd auß einem Staub vnd Aschen/ der ganze vnderschaide ist/ daß ein jeder ein andere Larven vor hat/ daß über einen ein schönere Fuerral/ oder Kleider / oder Aempter / oder Titel seynd / als über den andern: dannhero auch der H. Augustinus wol zustimbt: Tolle jactantiam, & omnes homines; quid sunt nisi homines? Thue ein wenig den Pracht auff ein Ort/vnd was seynd die Menschen anders/ als lauter Menschen? vnd warhafftig ein jeder wird ihme müssen sein Larven lassen herumb

2. Cor. 7.

der ziehen. Præterit enim figura hujus mundi. Dann das Weesen diser Welt vergehet/ hat keinen bestande. Was darffst vil? vnser Leben ist als wie ein kurze Nachnacht/ die da mit dem Aschermitwoch sich endet. Sie ist halt ein verkleidte Comædi auff dem Schawplatz diser Welt/welche der H. Geist mit zwey Scenen beschreibet vnd vorstelllet / eine gegen dem Aufgang/wo die Personen durch die Geburt herauß treten/ die andere gegen dem Nidergang / wo sie durch den Tode wider müssen hinein gehen. Generatio præterit, generatio advenit, terra autem in æternum stat. Ein Geschlecht vergehet/ das ander kombt/die Erd aber bleibe ewiglich; auff welcher einer denn andern platz räumet/ wann er sein Person hat verretten.

Eccli. 1.

den Tode wider müssen hinein gehen. Generatio præterit, generatio advenit, terra autem in æternum stat. Ein Geschlecht vergehet/ das ander kombt/die Erd aber bleibe ewiglich; auff welcher einer denn andern platz räumet/ wann er sein Person hat verretten.

Nun ich kome/ vnd bleibe setz bey vnserm in Gott ruhenden Freyherrn Wolf Wilhelm Löschten/ze welcher sein Person löblich vnd wol agirt hat/ seine anvertraute Aempter ruhmwürdig versehen/ vnd sein Wanderschaft glücklich vollendet: da er von hier in dem sechzehenden Jahr seines alters nach Frankreich verreisst ist/ zu Paris die Studia humaniora absolvirt, die Ansländische Sprach/ vnd vil ritterliche Übungen wol hat erlernt/ alsdann drey vnd fünfzig Jahr in Fürst/ vnd Churfürstlichen/ wie auch fünf vnd zwainzig Jahr in Landschafftlichen Diensten/ beederseits der Ärtze vnd in Under

Historia
Endlich
23. Apr
gegrüßet
da gear
das erste
Wiegen
und wo e
lich vom
nung mit
Grab gel
in diesem
rudern
er absent
ist unglück
dies H.
Weß an
freundliche
ter Freu
Wander
Hilger
du auff
ständig
Er
vnser in
lichen
zu Gra
Alter/
herlich
vnd d
auffses
Aber
bens
Also an
in aber

7
Underlands Bayern bey der Landschaft der vornembste gewest ist.
Endlich allhier zu Hilgershausen/ allwo er in dem Jahr 1591. den
23. April Wolgebohren ist / ist er auch wol gestorben/ wo er die Welt
gegriffet/ da hat er sie auch behütet / wo er in die Händ der Hebam/
da gerathet er auch in die Händ des Todtengräbers/ wo er die Augen
das erstemal geöffnet/ da hat ers auch dz letztmal gesperret/ wo er in die
Wiegen gebunden ist worden/ wird er auch in die Sarch geschlossen/
vnd wo er dieses sein löschisches Hochadeliche Stammehaus anfang-
lich vom Grund gar schön erbauet/ vnnnd nach feindlicher Einäsche-
rung widerumb hat auffgerichtet/ hat er auch bey seinem Saal sein
Grab gefunden/ da er gestorben ist/ oder vilmehr gottseelig entschlaffen/
in diesem Jahr 1662. den 17. Septembris/ an dem Fest der einge-
trucken Waalzeichen des H. Seraphischen Vatters Francisci, deme
er absonderlich/ als seinem glorreichen Patronen mit grosser Andacht
ist zugehan gewesen/ auch ein sonderbarer Gutmäher vnnnd Liebhaber
dieses H. Ordens: Eben an demselbigen Sonntag/ da er in der heiligen
Mess auß dem Euangeli hat hören lesen vnd sich von seinem Christo
freundlich hat lassen einladen: Amice ascende superius. Mein ge-
ter Freund komme herauff von der Erden zu dem Himmel/ von deiner
Wanderschaft zu der Ruhe/ von dem Elend in das Vaterland/ von
Hilgershausen in das Paradyß/ von der Frembde in das Reich/ so
du auß deiner Raif schon 71. Jahr/ 4. Monat/ vnd 25. Tag jun-
ständig gesuchte hast.

Ergo Nobilis abiit in Regionem longinquam. Ist also
vnsrer in Gott ruhender Frenherz/ Edl in dem Gebluet/ Edl in ritier-
lichen Thaten/ Edl in hochlöblichen Tugenden darvon gewandert/ vnd
zu Grab kommen reich an Gnaden / reiff in Verdiensten / zeitig im
Alter/ löblich im Wandel/ hoch in Würden/ Wolhábig an Gütern/
herzlich in allen Tugenden/ vnnnd deshalben wol angenemb bey Gott
vnnnd den Menschen; deme ich jezunder die allgemeine Grabstriffte
auffsetze: Et mortuus est.

Aber wie ist er gestorben? wie er gelebt hat; dann der Todt ist des Le-
bens Schatten/ des Lebens Spiegl/ des Lebens Zaiger/ des Lebens Echo.

Wie in den Wald geht ein der Schall/

So gibt es einen Widerhall.

Also auch qualis vita, finis ira: wie man lebt/ so stirbt man. Wie
er aber löblich/ tugensamb/ gottesfürchtig vnnnd auferbáwlich gelebt
habet.

Luc. 14.

Luc. 14.

Habe/bedürffe ihr mit meiner Zeugnuß/ die ihr mit den Händen habt
griffen / vnd mit den Augen gesehen/ daß in dem allzeit grünenden
bluemreichen Garten des Teurschen Adels diser alterlebte Löschische
Baum mit seinen Fruchtvollen Aest in der rechten Hand vnder die
Matth. 17. neigt habe mit seinem Wandsl. Jam securis ad radicem arboris posita
est, die Axt oder Peyhel kombt auß dem vralten Löschischen Schilt an di-
sen Löschischen Baum / von deme die Trümmer nach vnd nach ge-
sprungen/ bis daß der Baum hat anfangen krachen / bis daß er ge-
fallen / wohin er allzeit gehangen/auff die rechte Seiten der Außer-
wöhlten; wie mich dessen der H. Augustinus versichert, da er spricht:
Lib. de do- Noli timere non potest malè mori, qui bene vixerit. Welchem
Arina Chr. auch der H. Hieronymus recht gibe mit disen Worten: Legi, relegi,
cap. 13. perlegi, nunquam vidi hominem pium malà morte perire.
Ad Nepo-
tem.

Dahero wie der hochstiegender scharpffsichtige Evangelische Adler
Joannes mit den Flügeln seiner Gedancken von der Erden durch den
Luft vnd das Gewölck in den Himmel für den Thron des allgewal-
tigen Gottes sich hat geschwungen/ wird ihm als einem ErzCans-
ler allergnedigst anbefohlen/ er solle dise Wort auffzeichnen: Beati
Apoc. 14. mortui, qui in Domino moriuntur: Seelig seynd die Todten/die in
dem H. Erzen sterben. Hier meldet sich gleich an der H. Ambrosius,
fallt ihm in die Red vnd fraget: Qui mortuus mori potest? Nul-
lus procul dubio, nisi prius animam recipiat, ut iterum mori pos-
set. Wie ist es möglich/ daß die Todten können sterben/ in dem sie
schon seynd gestorben? Aber/antwortet er selbst/ dise seynd Seelig/
vnd sterben in dem H. Erzen/ die zuvor der Welt seyn gestorben / als-
dann dem Fleisch. Sed illi sunt beati, & illi in Domino moriuntur,
qui prius moriuntur sæculo, postea carni.

Freyllich ist vnser / nit mer bey vns lebende Frenherr vorhero
der Welt schon abgestorben/ in dem er das End seiner Wanderschafft
wol vorgesehen vnd vorgesagt hat / verschafft derowegen vnd verlas-
set alles durch ein ordentliches Testament; Alsdann erhebe er sich
freywillig in wehrender schweren Kranckheit/ vnd laßt sich von Wün-
schen allhero führen/ mit vorwenden/ er wolle seinem Ruhe. bechl selb-
sten nachziehen/ wohin er ohne das bald zur Erden müsse gelifert wer-
den/ verrichtet also sein letzte Raif in seiner Wanderschafft/ vnd schi-
cket sich zu dem sterben/ dann er ware auff disem Weeg schon zim-
lich abgemattet/ er ersicht/ daß die letzte Zeit schon verhanden / daß
der

der Keiffen der grawen Haar ihn schon bedeckt/ daß die Glieder ge-
schwächt/ daß der Leib bawfällig/ daß die Hand zitterend/ daß die Füß
müed/ daß der Hals gebogen/ vnd das Haupt sich zimlich rieß nai-
ge. Warumb? damit er in seinem Abzug die Welt behüte/ vnd bey
allen Menschen/ bey denen er fürüber gienge/ seinen Abschied nemme/
auff daß er sich demütig gegen der Erden bedanke / weil sie ihn so
lang getraget vnd reichlich ernähret hat/ büret zugleich auch vmb ein
Dere! für seinen Körper nur biß an den Jüngsten Tag. Staiget al-
so das Haupt als wie ein zeitige Ernd voll Früchten/so den Schnitter
mit der Sichel einladet ; also erlaube er dem Todt auch / daß er nur
komme/ weil es schon zeit seye.

Nimmer also mit genaigtem Haupt vrlaub von seiner Hochade-
lichen Freundschaft/ gleich wie der zeitige Todtfrant. vnd in Jügen
dahin lizende Mensch von seinen umstehenden guten Freund/welche
er albereit verlassen solte mit sehr anmütigen Worten/welche der H.
Chrysolomus beybringt : Valere amici, iter enim pergam extra-
neum, quod nunquam ambulavi, in regionem longinquam, quam
nemo vidit, in saeculum alterum animarum, in Regiones metuenda-
das, per quas nullus me comitatur, & ante Iudicem terribilem,
ubi nescio, quid mihi contingeret. Hat dises vnser Freyherr Eßsch in
seinem Sterbstündlein mit der Zungen nit aufgesprochen/bilde ich mir
ein/ als were es mit seinen stillschweigenden Gedanken also vollzogen
worden. Valere amici : Weil ich nun mehr auß schuld der schwachen
Natur muess von dammen schandert; behüt euch G.Dt/ ich habe vor
mir ein weite vnd schwere Raif; einen Weeg/den ich nie gewandert;
ich muess in ein weites vnd frembdes Land/welches einiger lebentiger
Mensch nit gesehen/ in die andere Welt der Seelen/in erschrockliche
Landschaffren/ dahin mir niemand das Geleit gibt, vnd vor einen Rich-
ter/ allda ich nit wais/ wie es mir ergehn wird.

Valere amici : Meine herzkallerliebste Kinder (ich nenne euch
mit dem Namen/ denn mir die wahre Väterliche Lieb gegen euch ein-
gib) herzkallerliebste Kinder/ G.Dt behüt euch/ lebt wol; vnd du
mein getrewer einiger Sohn Albrecht Wilhelm/ ic. biß jederzeit gew-
wesen der Trost meiner Augen/ein Strecken meines Alters/ ein Freund
meines Herzens/ die Hoffnung der Fortpflanzung meines Namens/
darumben was ein fromer Vatter seinem lieben Sohn gins kan erbit-
ten / das wünsch ich dir mit aller selbst beliebenden Wolsahrt.
Valere, heüt hast du deinen Vatter gesehen vnd nimmermehr.

B 2

Valete

Traet. de poenit.

missio. V. arad. 121

missio. V. arad. 121

Valere amici: Mein liebe Tochter Frau Elisabeth Barbara mit deinem allerliebsten hochansehlichen Herrn Gemahl / Albrecht Ernst Freyherrn von Freyberg / 2c. Ich musß fort / In 3. 4. Jahren hab ich dein liebe Frau Mutter / mein allerliebste Frau Gemahlin Eleonora von Freylin von Closen / 2c. nit gesehen / ich bin auff dem Weeg sie zu besuchen / mit vnsern sechs andern Kinder / deinen Geschwisteren / so der Tode vnzeitig hinweg genommen / GOTT behüt euch.

Valere amici: Mein liebe Tochter Frau Maria Mechtildis vñnd dein hochgeehrter allerliebster Herr / Johann Baptist Freyherr von Taxis / 2c. Kayserl. Obriste Postmaister / 2c. Ihr habet mich wol von Herzen erfreyet mit Enckel vñnd Urenckel / GOTT der Allerhöchste / behütet vñnd segne sie auff ihrer Reys / mein Reys hab ich vollendet: bin zwar alt worden / aber doch meine Täg seynd vil schneller / hurtiger / vñnd eysfertiger gewesen in ihrem Lauff als all ewre Postpferde: Dies mei velociore fuerunt cursore. Ollà! was ist das? gibts dann ein geschwindere weiß / auff dem Land zu wandern / oder zu reiten als auff der Post? Ja freylich: dann ein Postreiter sitzet von einer vñnd der andern Post auff vñnd ab / vñnd immittels daß man die Pferde widerum jurichter / sattelt / vñnd zäumer / halt er sich hier vñnd dort ein wenig auff: vnser Leben aber gehet immer zu fort vñnd fort / vil schneller als ein in das Meer eyntender reißende Fluß / vil hurtiger als ein von der Sennen über den Bogen auff die Scheiben losgehender Pfeil / vil geschwinder als ein durch den Luft schwebender Vogl in völligem Flug / ja vil eysfertiger als die Sonne / welche in einer einzigen Stund zweyhundert sechzig tausent Teutscher Meilen laufft / deren jede zwey Stund erfordert / also daß sie den Weeg von dem Auffgang bis zu dem Nidergang in einer Tagreys verrichtet / nichts destominder ist mein Leben in seinem Lauff vil schneller / dann die Sonne ist einmal (Ios. 10.) stillgestanden / mein Leben aber niema / bis ich sekunder mein Wanderschafft vollende: Sol celer est, at Sole tamen velocior hora:

Hora stetit nunquam, sol aliquando stetit.

Valere amici: Mein werthe Frau Schwur Maria Joanna Fuggerin / Gräfin von Kirchberg / 2c. die zwischen dir vñnd meinem Sohn Albrecht Wilhelm getroffene löbliche Heyrath hat mein schwaches Herz erquicket / die Hoffnung einen Enckel auß dir zusehen ware mein Aufenthalung: Aber der mißgünstige leydige Tod / welcher mich als eitzigen Waizen abzuschneiden die Sichel geschärpft / mißgünnet mir die

Iob. 9.

V. Clavium
in sphaera.

OVVen.
lib. 3.

die Frucht deines Leibs/ vnd bringe dich in der so kurze zeit deines Ehe-
stands schon in die dritte schwarze Todten-Liuree mit der du traurig
klagest deinen hochgeehrten verstorbenen Herrn Väter/deinen einzi-
gen lieben Herrn Bruder/vnd anjese mich deinen Schwäher. O Die
bewahre dich/ lebe vnd hausse wol.

Valere amici: Mein hochgeehrter Herr Bruder Georgius De-
ro Lösch/ du bist Custos vnd Senior in dem hochwürdigen ThumbCa-
pitul zu Freysingen; Ich bin Custos vnnnd Senior in der Landschafft
Bayrn gewesen; aber gleich wie ich vnderchiedlichen Löschten nach-
ziehe/welche wie vnser Anherz Wilhelm/ bey dem Hochlobl. Hauf
Bayrn vnderchiedliche hohe Aempter zu Hof vnd in der Landschafft
rühmlich versehen haben/ also wirst du auch die Straß müssen ray-
sen/welche vnfers Anherins Bruder Leo Lösch/ Bischoff zu Freysing
Anno 1559. voran gezogen; dann Breves sunt dies hominis, vnserer
Tag zergehen/ als wie das Salt im Wasser/ zerschmelzen als wie
das Wachs im Feuer/ verschwinden als wie der Rauch im Luft/er-
löschten als wie das Liecht im Wind/verlauffen als wie das Reich im
Wald/bestehen als wie der Schnee an der Sonnen/gehen zu grund
als wie die Blumen im Fröling/ verdorren als wie das Gras im
Sommer/fallen ab wie die zeitige Frücht vnd salbe Blätter im Herbst:
bede habens wir schon erfahren/wann wir zuruck gedencken.

Iob. 14:

Valere amici: Hochwürdiger Herr Vetter/vnnnd vertrauester
Freund Johann Abolph Lösch/ des Teurschen Ordens LandComater
zu Dellingen/ ich nimme von dir meinen Abschyd. Den Hochwürdi-
gen Fürsten vnd Herrn/ Herrn Johann Philipp Lösch des Johanns-
ter Ordens Raifser in Teurschenlanden hab ich in Dillingen voran
geschickt im Jahr 1601. dich will ich von Dellingen erwarten/ da-
mit weil du auch auff diser Raif nunmehr der älteste Lösch bist/ mit
glücklich nachkommest/ dann es heist jete ntt mehr/ Hodie mihi, cras
tibi; sonder Heri mihi, hodie tibi, weil keiner ihme den morgigen
Tag kan versprechen.

Valere amici: Ihr Hof- vnd Cammerherren/ich habe mich zwar
mit euch vnder den Churfürstlichen Hof-Fahnen vnderhalten lassen/
aber hab mich schon vor 44. Jahren widerumb abgeföndert: dann
den Hofsteuren ergehts wie einer Lemone, wann man den Saft hat
ausgetruncken / wirfft mans htnweg. Eben dises will ein erfahrner
Hofmann auch zuverstehen geben/ der die Fürstliche Hofstatt vorstel-

1 er als einen Irzgarten/so dem schein nach grünend/blumreich/wol-
riechend/vnd fruchtbare ist/aber voll des Betrugs/deshwegen er ihn mit
dieser Überschrift zieret / species decipit, Frau nit dem Schein/
gehe nit hinein. Ein anderer entwirrte es anderst / in dem er einen
Knaben last mahlen mit einem brünnenden Sackel / dem er dise Worte
beschreibt: Officio mihi officio: Ich diene dir/vnnd schade mir;
also auch ein Feder/ein Feyle/ so sich andern zu dienst abnutzen: Aber
was mich am meisten abgehalten/ist/ weil ich auff der Hofporren den
Spruch des tieffsinnigen Lucani gelesen habe: Exeat Aulâ, qui vo-
let esse pius, Willst bleiben fromb/ gen Hof nit komb. Nun reiß ich
jetzt gar auß: Weinen guldenen Schlüssel/ nemme nun wer ihr ver-
langer/ ich suche jetzt einen Schlüssel zum Paradyß.

Valere amici: Ihr Herren Miteverordnete/ ich muß jetzt in ein
andere Landschaft / vnder ein andere Zusammenkunft/ für ein andere
Gericht/ wohin ihr alle werden folgen müssen: ich weiß zwar nit/was
mir wird dort begegnen / hoffe doch mittels der grundlosen Darm-
herzigkeit alles guts.

Valere ihr meine Bediente vnd Hausherwandre/erwret aller sovil
ihr seyt/ habe ich nit vergessen/in meinem Testament/wegen der mir
trewgelaster Dienst / better auch für mich/ wie ihr für mich habe ge-
arbeitet. Desgleichen ihr meine getreue / vnd liebe Underthonen/
behüt euch Gott/ ich stirbe mit freuden/ weil ich mich wie Pericles
wol kan beruhmen/das ich keinen auß euch in den Klagmanel gebracht
hab/ oder in das Elend gestocket/ sonder vilmehr in Kriegesleuß vnd
Armuert auß aller Noth trewlich geholfen / in dem ich mich gegen
euch allzeit erzeige habe / nit als einen strengen sonder als einen gne-
digen Herrn. Nun hiemit übergibe / vnnd befehle ich euch meinem
Sohn/ dem solt ihr hinsüro als ewrer Obrigkeit vnd gnedigen Herr-
schafft vnerhängig seyn. Gott erhalte euch/ ihr aber better für mich/
wie ich vmb euch verdient zuhaben vermeine.

Valere amici: Gott behüte vnd gesegne euch alle mit einander/
vnd bitte alle samentlich vmb Verzeihung/so ich einen jemalen belai-
diget habe/ auch in dem geringsten. Ich verzeihe auch vmb Christi
willen von grund meines Herzens allen vnd jeden / so mir etwas
feindseliges erwisen haben / vnnd begehre allein das mir mein Er-
schaffer/ mein Erlöser/ vnnd unkomende Richter auch/ also verzei-
hen wolle.

Alsdann

Alsdann begehret er auff sein Naß mit den H. Sacramenten
 der Beicht/ der Communion vnd letzten Deilung versehen / geseißt/
 vnd gestärckt zuwerden. D! mit was für aufferbawung der Umbs-
 stehenden gehet er in sich selbst zu ruck / einen vorkauff zuzimmern/
 vnd in seiner wolzugebrachten Wunderschafft den letzten sprung zu-
 thun von dem Gestatt dieses Lebens über den Graben des Todis an das
 Gestatt der Ewigkeit: besser als Epaminondas der Thebaner Her-
 zog vnd tapfere Kriegsfürst/welcher als er in einem blutigen Tref-
 fen tödtlich verwundt/ vnd in die Zelt auff den letzten Schragen ge-
 legt ist worden / ware die erste Nachfrag / ob sein Schilt verhandt
 seye / vnd vnverlezt? Alsdann ob seine Feinde seyen über-
 wunden? dessen wie er versichert gewesen / war er ganz voll der
 Freuden / vnd spricht zu dem Umbsstehenden: Non finis (com- Val. Max.
 miliones) mea vitæ, sed melius & altius initium advenit. Nunc Lib. 3. c. 2.
 enim vester Epaminondas nascitur, quia sic moritur. Nun ihr
 tapfere Kriegsleute vnd Ritgefärten / es ist noch kein End/ sonder
 ein besserer Anfang meines Lebens/ dann jetzt wird erst ewer Epami-
 nondas geboren/ weil er auff solche weiß glorieich stirbet. Dil weiß-
 licher befragte sich vnser vor ewren Augen darligende Freyherr nach
 offte widerholter Bekandnuß aller Sünden/bey seinem Beichtvatter:
 Ob sein Gewissen jetzt vnverlezt vnd sicher seye? Ob alle Laster über-
 wunden/vnd die Feind in die Flucht gerriben? Dessen wie er versichert
 ist worden/ daß sein edle Seel vermittelst der H. Absolution mit dem
 Blut Jesu gewaschen seye/daß er nun mit großem vertrauen sich auff
 die Verdienst vnd Leyden Christi verlassen könne/daß er das H. Creutz
 mit beeden Händen fecklich umfangen/vnd also gewaffnet seine Feind
 in die Flucht treiben solle/ wird er weniger dem Leib nach geschwächt/
 als in dem Geist gestärcket; wendet sich zu seinem Beichtvatter vnd
 sagt: Mein lieber Pater, jetzt ferner sichret mich nichts an / die ganze
 Welt mag von mir halten oder sagen was ihr beliebt/ich wirffe mich
 jetzt in die blut äffende Wunden meines Erlösers/ vnd verbirge
 mich alldoren/ vor all meinen Feinden/ vor allen Gefahren/vnd vor
 dem strengen Richter/bey dem ich mich bald würd stellen müssen.

Darnach fangt er an gleichsamb mit dem gecrönten Harpsianisten
 zusingen: Quid retribuam Domino pro omnibus, quæ retribuit Psal. 115.
 mihi? Was soll ich dem Herrn vergelten für alle seine Wohlthaten
 an mir? daß er mich hat erschaffen zu seinem Ebenbild/ daß er mich
 erlöset

erlöset hat mit seinem kostbarlichen Blut / daß er mich in den Ertzo-
 lischen allein seeligmachenden Glauben hat berueffen/daß er mich mit
 den 5. Sacramenten begnadet/daß er mich Edl/ Reich/ vnd glück-
 selig gemachte hat / daß er mir neben andern natürlicher Gaben bis
 in dise mein letzte Grund die vblige Vermunfft hat gelassen/auch bis-
 hero durch sein Gnad erhalten/ vnd mit meinem grossen Trost erleben
 hat lassen/ so liebe Kinder/ Enckl vnd Urenckl. Quid retribuam Do-
 mino pro omnibus, quæ retribuit mihi? Calicem salutaris acci-
 piam, Ich will den Kelch des Heyls nehmen: Dulcia non me-
 rit, qui non gustavit amara, hat ihn genommen/angesezt/vnd ge-
 truncken/mit den Augen nit in den Kelch/(ab dem ihm erwan gegraußte
 Herte) sonder übersich gegen dem Himmel schawend zum Willen Got-
 tes/ in den er sich ganz vnd gar ergeben/bey so vilen schweren Kranck-
 heiten vnd schwache Zustand/dann da er ein halbes Jahr auff keinem
 Tusch gehn oder sehn/die wenigere Zeit auch hat ligen können/sonder
 die maiste Weyl bey Tag vnd Nacht nur sitzen/oder vilmehr über ein-
 ander knochen müssen / ist er doch in seinem Schmerzen starckhaft/
 in den Worten sanfftmütig / vnd in den Geberten aller gedultig ge-
 wesen / daß sich die Diener vnd Kranckenwarter (die er auch/sich mit
 ihme zgedunden freundlich geberten) billich verwundert haben: vnd
 so jemand auß denn Seinigen ein Mitleyden gegen ihm bezeuget/ hat
 er den Umbstehenden zu mehrmalen geantwortet/ er leyde nichts vnd
 seye ein kühles Taw gegen deme / was er verdient habe. Aber wem
 hat er disen ergriffenen bitteren Kelch zugebracht? Einen weiß ich wol/
 welcher/ da er auff seinem letzten Schragen mit zitterer Hand einen
 Becher voller Arzney ergriffen / wurde er von einem auß denen
 vmb das Todberß Stehenden ermahnet / daß ers^e seinem besten
 Freund bringen solle: da schawet er sich vmb mit seinen in dem Tode
 schwebenden Augen/ersihet Christum an dem Creuz hangend/vnd
 spricht: Tibi amicorum dilectissime hunc calicem propino: dir
 meinem vertrawisten/gerewisten/allerliebsten Freund bring ich disen
 Kelch zu. Also sagte auch vnser sterbende Frenherr/ Calicem salu-
 taris accipiam, & nomen Domini invocabo.

Wie kan ich GDe gnuet danckbar seyn/

Umb daß / was er mir geben?

Ich will den Kelch / den er schencke ein/

Mit lust vnd fremd erheben/

Ich

Ich will ihn frölich trincken auß/
Vnd loben seinen Namen.

Dann weil mir mein Erlöser auff dem schmerzhaften Zoderberh des
H. Creuz den bittern Kelch seines Leydens in Gesundheit meiner ar-
men Seel auff ein glückselige Raith hat zugebracht / so will ich ihme
redlich beschaid thuen/bis auff den letzten Tropfen/bis auff den letzten
Athem : vnd hats gethan/ also daß / wie er sein Wanderschaff wol
angefangen / tapfer fortgesetzt/ auch glücklich zum end gebracht hat :
Qui perleveraverit ulque in finem hic salvus erit.

Matth. 24.

Wol hat ers beschlessen / nachdem er die ganze Zeit durch seiner
halbjährigen Krankheit ihm seine Schmerzen wol hat wissen zunu-
zen machen/ damit er nemblich ersetz / was erwan vor diesem abgieng
vnd dardurch nit nur seine Sünd abhissen / sonder auch den Him-
mel verdienen möge/ zu welchemzucht vnd end er dise sechs letzte Monat
seiner Wanderschafft/ wo nit wochenlich/ jedoch zu vierzehn Tagen
fleissig gebeichtret hat/ vnd eysferig Communiciret / dessen letzte Bitt
vnd Wunsch gewesen / daß er zu seinem Trost das H. Hochwürdi-
gste Sacrament des Altars stehes bey ihme vor seinem Zoderberh haben
künde / also daß sich auff ihn wol reinet der Aristotelische Waid-
spruch oder philosophische Sprichwort/omne agens in fine fortius
a: i, zu leist/ das best. Da er noch zu allerletster Zeit ehe er gestor-
ben/ wider hat wollen beichten/wider Communicieren/ welches er nit
so bald verrichtret / da vbergehet ihme von der häufigen Süßigkeit
das Herz/der Mund/vnd die Augen; das Herz/weil es von der Se-
raphischen Zinruhen des himlischen Kinnstabels berührt / vnd mit
dem Feuer der Göttlichen Liebe angezündet ist worden/ daß es loß gan-
gen mit jubelstüftigen Seuffzer. Der Mund / in deme er nach ver-
mögen seiner Kräfte auffschreyet JESVS MARIA, JESVS ! vnd in
vmbfahung des Crucifix: In te Domine speravi, non confundar in
æternum: *Hexa* ich habe mein Hoffnung auff dich/laß mich nit-
mermehr ewiglich zuschanden werden. In manus tuas commen-
do spiritum meum: in deine Hand besüche ich meinen Geist/ *re.*
Lætatus sum in his quæ dicta sunt mihi, in domum Domini ibi- *Psalms. 121.*
mus: Ich frewe mich der ding/ so mir gesagt seynd/ wir werden ins
Haus des H. Erngehen. Die Augen übergiengen ihme auch in Er-
kandnuß seiner Sünden / die er bewainne / bey Christo bittend /
daß sein seligmachendes Blut an ihme nit solle verlohren werden.

Psalms. 70.

Psalms. 30.

Psalms. 121.

E

Re-

Recordare JESU pie, quod sum causa tuæ viæ, ne me perdas illa die. Als dann wendet er vnd heffet seine sterbende Augen auff den Himmel/durch welchen schon herum wanderten seine Sinn/vnd schwinget zugleich fort auß dem Leib sein edle Seel mit einem sanfften Wind eines von Göttlicher Lieb enzündten Seuffzers.

3. Reg. 19.

Fahrt also fort / Et ambulavit in fortitudine cibi illius usque ad montem DEI. Und gieng durch krafft derselben Speiß bis an den Berg Gottes/ wohin er allein mit sich genommen/ was er guts gethan hat: Opera enim illorum sequuntur illos. D/ was war es für

Apoc. 14.

ein Trost diesem sterbenden Freyherrn/ daß er sich sowol hatte zum Tode beraitet/ daß er die Gerechtigkeit allzeit hat befürdern heissen / mit altem guemeinend/ bey dem es ihm hat geheissen. In ore rosas in corde spinas. Im Mund die Rosen/ die Dorn im Herzen/ in den Worten das Hönig/ in den Gedancken das Gift/ vnd Gallen/ in ore mel, in corde fel: Nein/ sonder er ware als wie ein gerechte Uhr/welche allzeit nach der Göttlichen Sonnen gerichtet ist/der ich wol dise Beyschrift gnaigne: Quod sonus, hoc index, wie es schlägt so zeigt es / wie er redt so thuet er / wie die Wort also die Werck: billich kundte er sich derohalben berühmen daß er ein alter Teütscher / der einen redlichen Namen mit sich vnder die Erden bringe. Ein weites Feld heete ich da aufzulauffen/wann ich erzehlen wolte/wie er die Laster vnd Missethaten wilden abgestraffet/ wie er die Zucht/ Erbarkeit vnd allen guten Wandel vnder den Seitigen hat eingeführt; wie er den Armen Verrangren so oft auß der Noth geholffen/den verlassenen Wittib vnd Waisen so gnedigen Beystand gelaisset/ vnd vil Fehrsbrunsten der Uneinigkeit / als ein wahrer Lösch außgelöschet. Desgleichen neben vilern reichlichen Almuessen / hat er alhie in Hlgerthausen vnd in seinem Pfleg-Schloß Erayburg zwo schöne Capellen von neuem erbawet/ vnd mit aller Zugehör stattlich bereichet; auch zwey Gottshäuser/ als St. Ursulæ zu Gumpertstorff/ vnd S. Michaelis zu Michelstirchen/ fast von neuem wider erhebt/ ic.

Hochadeliche Zuhörer: auß diesem seinem tugentfamen Wandel/ vnd guten Vbungen laß ich euch selbst schliessen / daß vnser vnder disen vmb die Todrenbar sovil brinnenden Liechter außgelöschene Lösch gewesen seye ein Abriss eines enfrigen Catholischen Christen/ ein Regal der Hoffleuten/ ein Spiegel der Rathsverwandten/ vnd ein Vorbild des wahren Adels; welcher nit vmbsonst in seinem drey Helm

ira.

tragenden Freyherrlichen Stamm. wappen die Peyel führt/ die Lilien/
vnd Hirschkürn/ anzuzeigen/ daß/ was in den Wälder der Hirsch ist
vnder den edlen Thieren/ was in den Lustgärten die Lilien vnder den
Blumen/ was die Peyhel vnder des Bauwainers Werkzeug/ daß
seye vnser in GOTT ruhender Lösch gewesen vnder den Herren: Wel-
cher als wie ein Peyhel/ der alles vnebens abhauet; als wie ein Li-
lien/ der von den Tugenden löblich vnd lieblich riechet; als wie ein
Hirsch/ der in seinen Verrichtungen wachbar: Ein Peyhel/ so ein
tieffe Scharten bekommen/ vnd gar von dem Helm gefallen: Ein Li-
lien so ganz erschwelcket vnd aufgedörret: Ein Hirsch so einen töd-
lichen Schuß bekommen/ vnnnd auß dem Thornhöggigen Wald diser
Welt zu dem Crystalquellenden Brunnen enlet/ nach dem er offte in
seiner gloriwürdigen Wanderschaft Durst gehabt hat/ vnd mit dem
Durchleuchtesten David geschryen: Quemadmodum desiderat *Psalm. 47.*
Cervus ad fontes aquarum, ita desiderat anima mea ad te DEVS.

Wie der verwundre Hirsch so schnell/
Fliecht zu dem frischen Wasserquell;
Also mein GOTT allein zu dir/
Siehe all mein Hoffnung vnd Begür.

Warumben? Quia apud te est fons vitæ, dann bey dir ist der Brun. *Psalm. 35.*
nen des Lebens. Da ist er jezunder/ da bleibe er/ da laffer ihn nach
so langwüriger lobwürdiger Wanderschaft ruhen/ vnnnd wann ihr
den Priester im Namen der Catholischen Kirchen für ihn
werdet hören sprechen/ Requiescat in Pace,
sagt Amen/ Amen.

E N D E.

Faint, mostly illegible text, likely bleed-through from the reverse side of the page. The text is arranged in several lines and appears to be a formal document or letter.

More faint, illegible text, possibly a signature or a specific section of the document. The ink is very light and difficult to discern.

© © © ©

Handwritten signature or name in cursive script, possibly reading "Johann..."

Handwritten text on the adjacent page, including the word "Haupt" and "König".

Printed text on the adjacent page, including "P. Fr" and "Ordnung".

Printed text on the adjacent page, including "DIV".

Printed text on the adjacent page, including "Gede".

1770 Einlage

1770
1771
1772
1773
1774
1775
1776
1777
1778
1779
1780
1781
1782
1783
1784
1785
1786
1787
1788
1789
1790
1791
1792
1793
1794
1795
1796
1797
1798
1799
1800

